

Uunga missingiut: Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. xx, xx. xxx 2018-imeersoq

Meeqqat tapersorsorneqarnissaannut Inatsisartut inatsisaanni nr. 20, 26. juni 2017-imeersumi § 32, imm. 4, § 34, imm. 2 aamma 3 aamma § 57, imm. 4 aamma 6 naapertorlugit uku aalajangersarneqarput:

Kapitali 1

Tamanut tunngasut

Paaqqinniffiit immikkoortortaqaarfiillu ilusaat

§ 1. Nalunaarut manna meeqqanut ulloq unnuarlu paaqqinniffinnut ataani allassimasunit pigineqarlutillu aquneqartunit atuuppoq:

- 1) Naalakkersuisunit,
- 2) kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussisunit, imaluunniit
- 3) suliffeqarfinit imminut pigisunit.

Imm. 2. Ulloq unnuarlu paaqqinniffik ingerlanneqarsinnaavoq:

- 1) isumannaallisagaanngitsutut,
- 2) isumannaallisagaanngitsutut ilaatigulli matoqqasumik initalittut, imaluunniit
- 3) isumannaallisakkatut.

§ 2. Meeqqanut ulloq unnuarlu paaqqinniffimmi ini ilaatigut matoqqasoq tassaavoq, isumaginninnermik suliassaqarfimmi pissaanermik atuneq pillugu Inatsisartut inatsisaanni § 6-imi piumasaqaatit naammassineqarsimatillugit, piffissat ilaanni matunik silarlernik igalaanillu parnaartiterinikkut pissaanermillu atuinikkut anitsaaliuilluni isersimatitsivik.

§ 3. Meeqqanut ulloq unnuarlu paaqqinniffik isumannaallisagaq tassaavoq ulloq unnuarlu paaqqinniffik isumannaallisakkamik minnerpaamik ataatsimik immikkoortortalik, immaqalu isumannaallisagaanngitsumik ataatsimik arlalinnilluunniit immikkoortortalik.

Imm. 2. Ulloq unnuarlu paaqqinniffiup isumannaallisakkap immikkoortortaani isumannaallisakkani matut silarliit igalaallu paarnaqqatittuaannarnissaat akuerisaavoq.

Imm. 3. Ulloq unnuarlu paaqqinniffiup isumannaallisagaasup silataani silaannarissarluni aneerfissanik isumannaallisagaasunik peqassaaq.

Katsorsaariaatsit piareersaanerillu

§ 4. Meeqqanut ulloq unnuarlu paaqqinniffik perorsaanikkut, tarnip pissusaanik tunngasunut, tarnip nappaataanik tunngasunut imaluunniit ilaqutariinnut katsorsaananerik neqerooruteqarsinnaavoq.

Imm. 2. Ulloq unnuarlu paaqqinniffik nittartagaliussaaq, tassani allassimassaaq, katsorsartinnerit qanoq ittut neqeroorutigineqarnersut, taakku ataanni qanoq iliorluni katsorsaasoqartarnersaq, katsorsaariaatsit suut toqqarneqarsimanersut aammalu qanoq naammassineqartarnersut.

Imm. 3. Ulloq unnuarlu paaqqinniffimmi perorsaariaaseq meeqqat ataasiakkaat inerissimassusiat immaqalu piginnaasaasa apparsimanerat eqqarsaatigalugit aaqqissuunneqassaaq.

Imm. 4. Meeqqanut ulloq unnuarlu paaqqinniffik meeqqat sapinngisamik nalinginnaanerpaamik inuuneqarsinnaanngorlugit aaqqissugaallunilu ingerlanneqassaaq.

Inissiinissamut Innersuussisarneq

§ 5. Isumaginninnermut Aqutsisoqarfik qitiusumik inissiinissamut innersuussisarfirmik (inissiinissamut innersuussisarfik) ingerlatsissaaq.

Imm. 2. Inissiinissamut innersuussisarfirmut nalunaarsinnaassagaanni taassuminngalu atuisinnaassagaanni ulloq unnuarlu paaqqinniffittut akuerisaasimanissaaq piunasaqaataavoq.

Imm. 3. Meeqqanik ataasiakkaanik inissiinissamik innersuussineq ulloq unnuarlu paaqqinniffiit ataasiakkaat aqutsisuisa aamma inissiinissamik innersuussisarfiup oqaloqatiginerisigut pissaaq.

Najukkami maleruagassat

§ 6. Meeqqanut ulloq unnuarlu paaqqinniffiup najukkami maleruagassat aalajangersarsinnaavai.

Imm. 2. Najukkami maleruagassat najugarisap siunertaanut perorsaanerullu tungaatigut anguniagaanut naleqqussagaassapput ulluinnarnilu ingerlanneqarsinnaaneranut akornutaassanatik.

§ 3. Ulloq unnuarlu paaqqinniffiit najukkami maleruagassiaminni piffissat ulloq unnuarlu paaqqinniffimmut pulaarfiusinnaasut killilersinnaavaat. Killiliinerli taanna paaqqinniffiup iluani eqqissisimanissaaq torersumillu pissusilersornissaaq eqqarsaatigalugit pisariaqartumit ingasannerussanngilaq.

Ulloq unnuarlu paaqqinniffiit aaqqissugaanerit pillugu aalajangersakkat

§ 7. Meeqqanut ulloq unnuarlu paaqqinniffik meeraq nammineq ineeraqartussanngorlugi aaqqissugaassaaq, taamaattorli tak. imm. 2 aamma imm. 7.

Imm. 2. Meeqqat ataasiakkaat, matumani qatanngutigii ineeqqami ineqatigiinnissaat perorsaanerup tungaaniit isumaqarfigineqarpat imm. 1 naapertorlugi nammineq ineeraqartitsinissamut piunasaqaat avaqqunneqarsinnaavoq. Meeraq 12-it sinnerlugit ukioqarpat matumunnga akuersitinneqassaaq.

Imm. 3. Meeraq sapinngisamik peqatigalugu meeqqap ineeraa aqqissuunneqassaaq, pisatsersugaaneralu meeqqap ukiuinut immaqalu immikkut pisariaqartitaanut naleqquttuussalluni.

Imm. 4. Meeqqat uffarfissaqassapput perusersartarfeqassallutillu.

Imm. 5. Ulloq unnuarlu paaqqinniffik meeqqat sunngiffimminni nalinginnaasunik sammisaqarnissaannut periarfissaqartillugit aqqissugaassaaq.

Imm. 6. Meeqqanut ulloq unnuarlu paaqqinniffik ataatsimoorussamik isersimaartarfeqassaaq, ini meeqqat immikkut pisariaqartitaannut naleqqussarlugu aammalu meeqqanit ulloq unnuarlu paaqqinniffimmi inissinneqarsimasunit tamaginnit atorneqarsinnaasunngorlugu aqqissugaassaaq.

Imm. 7. Aqqissugaanermut tunngatillugu piumasaqaatit imm. 1, 3 aamma 5-6-imiittut Isumaginninnermut Aqutsisoqarfiup akuersineratigut ulloq unnuarlu paaqqinnittarfinnit pioreersunit avaqqunneqarsinnaapput, inissiat pioreersut pissutigalugit piumasaqaatit taakkua naammassineqarsinnaanngippata. Akuersissut ukiut marluk tikillugit atuuttussatut sivitsornissaanullu periarfissaqartillugu nalunaarutigineqarsinnaavoq.

§ 8. Ulloq unnuarlu paaqqinniffik sinittussanik pigaartoqartarpat, ini sulisut qaserserfissaat sulisunut perusersartarfitalik sulisunullu uffarfitalik aqqissuunneqassaaq.

§ 9. Meeqqanut ulloq unnuarlu paaqqinniffik sanaartornermut qatserisartoqarnermullu oqartussaasunit, uumasut nakorsaattut oqartussaasunit kiisalu sullivinnik nakkutilliisoqarfimmit qaqugukkulluunniit akuerineqarsinnaasunngorlugu aqqissuunneqassaaq.

Kapitali 2

Meeqqanut ulloq unnuarlu paaqqinniffiit Naalakkersuisunit pigineqartut

Pilersitsineq ingerlatsinerlu

§ 10. Ulloq unnuarlu paaqqinniffiit Naalakkersuisut pigisaat Isumaginninnermut Aqutsisoqarfimmit pilersinneqartarput ingerlanneqartarlutillu.

Ulloq unnuarlu neqeroorummik akuersineq

§ 11. Meeqqanut ulloq unnuarlu paaqqinniffiit Naalakkersuisunit pigineqartut akuerineqarnissaannut Isumaginninnermut Aqutsisoqarfik aalajangiissaaq.

Imm. 2. Imm. 1 naapertorlugu akuersissut tunngavilersugaasoq allakkatigut nalunaarutigineqassaaq, tassa-nilu nalunaarutigineqassapput ulloq unnuarlu paaqqinniffiup sullinniagai kikkuunersut kiisalu qassinik inissaqartitsinersoq.

Imm. 3. Meeqqanut ulloq unnuarlu paaqqinniffinnut piumasaqaatit atuuttut kommunalbestyrelsimit ataatsimit imaluunniit kommunalbestyrelsinit arlalinnit

ataatsimoorussamik pilersinneqarlutillu ingerlanneqartut ulloq unnuarlu paaqqinniffimmit naammassineqarnissai Isumaginninnermut Aqutsisoqarfiup qulakkiissavaa, tak. kapitali 3.

Ileqqoreqqusat

§ 12. Meeqqanut ulloq unnuarlu paaqqinniffiit Isumaginninnermut Aqutsisoqarfimmit pilersinneqarlutillu ingerlanneqartut ileqqoreqqusaqassapput, imarissallugit:

- 1) Ulloq unnuarlu paaqqinniffiup aqqa, sumiiffia aamma siunerta.
- 2) Perorsaanissap siunertaata allaaserineqarnera.
- 3) Sullinniakkat allaaserineqarnerat.
- 4) Aqutsisut suliassaasa allaaserineqarnerat.
- 5) Inummut pingajuusumut tunngatillugu akisussaaneq iliuuseqarsinnaatitaanerlu pillugit maleruagassat.
- 6) Missingersuusiortarneq, naatsorsuuserineq kukkunersiunerlu pillugit maleruagassat.
- 7) Ileqqoreqqusat allanngortinneqassatillugit periaasissat.

Akuersissummik atorunnaarsitsineq

§ 13. Meeqqanut ulloq unnuarlu paaqqinniffimmit Isumaginninnermut Aqutsisoqarfimmit pilersinneqarlunilu ingerlanneqartumut akuersissummik atorunnaarsitsinissamik Isumaginninnermut Naalackersuisoqarfik aalajangiisinnaavoq, matumani meeqqanut ulloq unnuarlu paaqqinniffik akuerisaanissamut piumasaqaatinik naammassinnikkunnaarsimappat, tak. § 11.

Imm. 2. Isumaginninnermut Naalackersuisoqarfiup imm. 1 naapertorlugu akuersissummik atorunnaarsitsinissamik aalajangiinnginnerani Isumaginninnermut Aqutsisoqarfiup ulloq unnuarlu paaqqinniffik oqaloqatigissavaa kiisalu akuersissummik atorunnaarsitsiniarnermut tunngaviusunik ulloq unnuarlu paaqqinniffiup aqqiiniarnissaanik periarfissillugu.

Imm. 3. Isumaginninnermut Naalackersuisoqarfiup imm. 1 naapertorlugu akuersissutip atorunnaarsinneqarnissaa aalajangerpagu, Naalackersuisoqarfiup atorunnaarsitsinissamut piffissaq naammaginatutumik sivissusilik aalajangersassavaa. Pissutsinik atorunnaarsitsinissamik aalajangernermit pissutaasunik naliliineq tunngavigalu piffissaliussaq aalajangersarneqassaaq.

§ 14. Isumaginninnermut Naalackersuisoqarfiup § 13-imi imm. 2 aamma 3 apequtaatinnagit akuersissummik erngertumik atorunnaarsitsinnaavoq, matumani ulloq unnuarlu paaqqinniffimmi pillarneqaataasinnaasunik tassangaannartumik pasitsaasaqarnerup imaluunniit meeqqat isumannaassusiisa peqqissusiisalu tassangaannartumik ulorianartorsiortinneqarnerisa tamanna pisariaqartilerpagu.

§ 15. Akuersissummik atorunnaarsitsineq pillugu Isumaginninnermut Naalackersuisoqarfiup kommunalbestyrelsit inissiisimasut erngertumik ilisimatissavai, tak. §§ 13-14.

Imm. 2. Akuersissummik atorunnaarsitsinermit kommunalbestyrelsit meeqqanut ulloq unnuarlu paaqqinniffimmut meeqqamik inissiisimasut inisseeqqinnissamik akisussaaffeqarput. Inisseeqqinnermi inissiinissamat innersuussisarfik suleqatigineqassaaq.

Ulluinnarni aqutsineq

§ 16. Meeqqanut ulloq unnuarlu paaqqinniffinni Isumaginninnermut Aqutsisoqarfimmit pilersinneqarlutillu ingerlanneqartuni Isumaginninnermut Aqutsisoqarfik pisortamik atorfinitsisisinnaallunilu soraarsitsisinnaavoq.

Imm. 2. Ulloq unnuarlu paaqqinniffiup ulluinnarni aqunneqarnera pisortap akisussaaffigivaa.

Imm. 3. Pisortap ulloq unnuarlu paaqqinniffimmi sulisuusut allat, inatsisit isumaqatigiissutillu atuuttut naapertorlugit atorfinitsittarlugillu soraarsissinnaavai.

Kapitali 3

Meeqqanut ulloq unnuarlu paaqqinniffiit kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik pigineqarlutillu ingerlanneqartut

Akuersisinnaanermut piginnaatitsineq piumasaqaatillu

§ 17. §§ 18-21 naapertorlugit Isumaginninnermut Aqutsisoqarfik meeqqanut ulloq unnuarlu paaqqinniffinnut, kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik ingerlanneqartunut, akuersissummik qinnuteqartoqarnerani, ulloq unnuarlu paaqqinniffiup akuerineqarnissamat piumasaqaatinik naammassinninneranik naliliineq tunngavigalugu aalajangiissaaq, taamaattorli imm. 2 takuuk.

Imm. 2. Isumaginninnermut Aqutsisoqarfik akuersissummik piumasaqaatitalimmik nalunaaruteqarsinnaavoq, tamatumani akuerisaanissamat piumasaqaatinik naammassinninnissamat piffissaliussat aalajangiunneqassallutik, tak. §§ 18-21. Immikkut akuersissut ukiut marluk tikillugit atuuttussanngorlugu ukiumillu ataatsimik sivitsorneqarnissaanut periarfissalerlugu nalunaarutigineqarsinnaavoq.

Imm. 3. Imm. 1 naapertorlugu Isumaginnermut Aqutsisoqarfik akuersissuteqarnerminut atatillugu piumasaqaatinik akuer-sissut atuutiinnassappat naammassineqartussanik aalajangersaasinnaapput. Isumaginninnermut Aqutsisoqarfik piumasaqaatinut aalajangersarneqartunut piffissaliussanik ilanngussisinnaavoq.

Imm. 4. Imm. 1-2 naapertorlugit akuersineq tunngavilersorneqarsimasoq allakkatigut nalunaarutigineqassaaq, tassa-nilu ulloq unnuarlu paaqqinniffiup sullinniagai kikkuunersut, perorsariaaseq kiisalu qassinik inissaqartitsinersoq nalunaarutigineqassapput.

Imm. 5. Imm. 1-2 naapertorlugit akuersinissamat ulloq unnuarlu paaqqinniffiup kommunimi sumiiffimmilu ulloq unnuarlu paaqqinniffinnut inissiiffissanut ilaatinneqalernissaa piumasaqaataavoq, tak. Meeqqat tapersorneqarnissaannut Inatsisartut inatsisaanni § 33, imm. 1.

§ 18. § 17, imm. 1 naapertorlugu akuerineqarnissamut ulloq unnuarlu paaqqinniffiup ataatsimut nalileereernikkut pisariaqartumik pitsaas-suseqarnissaa piumasaqaataavoq.

Imm. 2. Ulloq unnuarlu paaqqinniffiup pitsaassusia tunngavissat makkua aallaavigalugit nalilerneqassaaq:

- 1) Meeqqat ilinniarnissamut sulinissamullu periarfissaat.
- 2) Meeqqat nammineersinnaalernissaminnut aamma ilaquuttaminnut attaveqaatiminnullu atassuteqarnissaannut periarfissaat.
- 3) Ulloq unnuarlu paaqqinniffiup sullinniagai, matumani ulloq unnuarlu paaqqinniffiup sullinniakkaminut neqeroorutigisaata imarisai kiisalu meeqqat inuunerminnut sunniuteqaqataanerat.
- 4) Ulloq unnuarlu paaqqinniffiup periaasii angusaalu, matumani perorsaanikkut, tarnip pissusaanik ilisimatusarnikkut imaluunniit ilaqtuariinnik katsorsaanikkut suleriaatsit.
- 5) Ulloq unnuarlu paaqqinniffimmi aaqqissuussaaneq aqutsisullu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi aningaasaqarneq, matumani kukkunerisuisunit akuerineqarsimasumik naatsorsuuteqarnersoq.
- 8) Ulloq unnuarlu paaqqinniffimmi inissatigut atugassarititat, matumani sullinniakkat pisariaqartitaannut aamma ulloq unnuarlu paaqqinniffiup periaasaanut naapertuunnersut.

§ 19. Ulloq unnuarlu paaqqinniffiup perorsaanermi periaasii aammalu ulloq unnuarlu paaqqinniffiup sullinniagaanut tunngatillugu perorsaanermi anguniagai Isumaginninnermut Aqutsisoqarfimmit § 17 naapertorlugu akuersissuteqarnermut atatillugu akuerineqassapput.

Imm. 2. Perorsaanermi periaatsit sulinermi atussallugit illersorneqarsinnaasut, periaatsinit nunatsinni ulloq unnuarlu paaqqinniffinni taamaaqataani atugaasunit allaanerugaluartut Isumaginninnermut Aqutsisoqarfimmit akuerineqarsinnaapput.

§ 20. § 17 naapertorlugu Isumaginninnermut Aqutsisoqarfiup akuersinermini sulisut tamarnik inuttut suliamullu tunngatillugu sullinniakkanut piginnaasaat ilanngullugit akuerissavai.

Imm. 2. Isumaginninnermut Aqutsisoqarfik akuersisarnermi oqartussaasutut sulisuusut pillugit paasissutissanik, matumani aamma ilinniagaannut tunngasunik aammalu pineqaatissinneqarsimanermut meeqqanillu pinerliisimannginnermut uppersaatinik piniarsinnaapput.

§ 21. § 17 naapertorlugu ulloq unnuarlu paaqqinniffiup akuerineqarnissamik qinnuteqartup, aaqqissuussaannermut aningaasaqarnermullu paasissutissat suliamut tunngasut, naliliinissamut atorfissaqartinneqartut Isumaginninnermut Aqutsisoqarfimmit piumasarineqarpata tunniutissavai.

Paasissutissiisussaatitaaneq

§ 22. Ulloq unnuarlu paaqqinniffiup nammineq ingerlatsinermini akuersinnermut tunngaviusunik allannguuteqartitsissaguni Isumaginninnermut Aqutsisoqarfimmut paasissutissiissutigissavai.

Ileqqoreqqusat

§ 23. Meeqqanut ulloq unnuarlu paaqqinniffiit kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik pigineqartut ileqqoreqqusaqassapput, imarissallugit:

- 1) Ulloq unnuarlu paaqqinniffiup aqqa, sumiiffia aamma siunertaa.
- 2) Perorsaanissap siunertaata allaaserineqarnera.
- 3) Ulloq unnuarlu paaqqinniffiup sullitassaasa allaaserineqarnerat.
- 4) Aqutsisut suliassaasa allaaserineqarnerat.
- 5) Inummut pingajuusumut tunngatillugu akisussaaneq iliuuseqarsinnaatitaanerlu pillugit maleruagassat.
- 6) Missingersuusiortarneq, naatsorsuuserineq kukkunersiuinerlu pillugit maleruagassat.
- 7) Ileqqoreqqusat allanngortinneqassatillugit periaasissat.

Imm. 2. Ileqqoreqqusanik allanngortitsinerit Isumaginninnermut Aqutsisoqarfimmit akuerineqassapput.

Akuersissummik atorunnaarsitsineq

§ 24. Ulloq unnuarlu paaqqinniffik akuerisaanissamut piumasaqaatinik naammassinnikkunnaarsimappat Isumaginninnermut Naalakkersuisoqarfik § 17 naapertorlugu akuersissummik atorunnaarsitsinissamik aalajangiisinnaavoq.

Imm. 2. Isumaginninnermut Naalakkersuisoqarfiup imm. 1. naapertorlugu akuersissummik atorunnaarsitsinissamik aalajangiinnginnerani Isumaginninnermut Aqutsisoqarfiup ulloq unnuarlu paaqqinniffik oqaloqatigissavaa kiisalu akuersissummik atorunnaarsitsiniarnermut tunngaviusunik ulloq unnuarlu paaqqinniffiup aaqqiiniarnissaanik periarfissillugu.

Imm. 3. Isumaginninnermut Naalakkersuisoqarfiup imm. 1. naapertorlugu akuersissuttip atorunnaarsinneqarnissaa aalajangerpagu, Naalakkersuisoqarfiup atorunnaarsitsinissamut piffissaq naammaginartumik sivisussusilik aalajangersassavaa. Pissutsinik atorunnaarsitsinissamik aalajangernermit pissutaasunik naliliineq tunngavigalu piffissaliussaq aalajangersarneqassaaq.

§ 25. Isumaginninnermut Naalakkersuisoqarfiup § 24 apeqqutaatinnagu akuersissummik erngertumik atorunnaarsitsinnaavoq, matumani ulloq unnuarlu paaqqinniffimmi pillarneqaataasinnaasunik tassanngaannartumik pasitsaassaqarnerup imaluunniit meeqqat isumannaassusiisa peqqissusiisalu tassanngaannartumik ulorianartorsiortinneqarnerisa tamanna pisariaqartilerpagu.

§ 26. Isumaginninnermut Naalackersuisoqarfiup akuersissummik atorunnaarsitsineq pillugu kommunalbestyrelsit inissiisimasut erngertumik ilisimatissavai, tak. §§ 24-25.

Imm. 2. Akuersissummik atorunnaarsitsinnermi kommunalbestyrelsit meeqqanut ulloq unnuarlu paaqqinniffimmut meeqqamik inissiisimasut inisseeqqinnissamik akisussaaffeqarput. Inisseeqqinnermi inissiinissamut innersuussisarfik suleqatigineqassaaq.

Akuersissuteqarnerup atorunnaartarnera

§ 27. Ulloq unnuarlu paaqqinniffik siunertamut akuerisaasumut piffissami ataannartumi ukiunik marlunnik sivisussuseqartumi atorneqanngippat § 17 naapertorlugu akuersissut siumut ilisimatitsissutigineqarani atorunnaarsinneqassaaq.

Atuukkunnaarsitsineq

§ 28. § 17 naapertorlugu akuersissuteqarnek malillugu pisussaaffiit annertuumik sumiginnarneqarsimappata, ulloq unnuarlu paaqqinniffiup kommunalbestyrelsimit ataatsimit imaluunniit kommunalbestyrelsinil arlalinnit ataatsimoorussamik ingerlanneqartup ingerlanneqarnerata atuukkunnaarsinnissaanik aammalu ulloq unnuarlu paaqqinniffimmi pineqartumi Isumaginninnermut Aqutsisoqarfiup ingerlatsilernissaanik Isumaginninnermut Naalackersuisoq aalajangersinnaavoq.

Imm. 2. Atuukkunnaarsitsinissaq pillugu aalajangerneq piffissamut erseqqinnerusumik aalajangersarneqartumut imaluunniit maannamuugallartoq aalajangiiffigineqarsinnaavoq.

§ 29. Kommunalbestyrelsip, imaluunniit kommunalbestyrelsit ataatsimoorussamik meeqqanut ulloq unnuarlu paaqqinniffimmik ingerlatsisut, aningaasartuutit § 28, imm. 1. naapertorlugu atuukkunnaarsitsinissaq pillugu aalajangerneq malitsigisai, Isumaginninnermut Aqutsisoqarfimmut akilissavaat.

Imm. 2. Kommunalbestyrelsip, imaluunniit kommunalbestyrelsit peqatigiillutik ulloq unnuarlu paaqqinniffimmik ingerlatsisut, sulisut Isumaginninnermut Aqutsisoqarfiup ingerlatsinnermik tigusineranni atorfeqartut, kiisalu atortorissaarutit atorneqartut Isumaginninnermut Aqutsisoqarfimmut atugassanngortissavaat. Sulisut, matumani kommunimi tjenestemandit, atuukkunnaarsitsinnermut atatillugu suliassanik isumaginninnissaannut Isumaginninnermut Aqutsisoqarfimmit ilitserorneqartussaapput.

§ 30. Kommunalbestyrelsip, imaluunniit kommunalbestyrelsit ataatsimoorussamik meeqqanut ulloq unnuarlu paaqqinniffimmik ingerlatsisut, paasissutissat ulloq unnuarlu paaqqinniffiup ingerlanneqarnerata ingerlateqqinnissaanut pisariaqartut Isumaginninnermut Aqutsisoqarfimmut nalunaarutiginnissaat pisussaaffigaat.

Ulluinnarni aqutsineq

§ 31. Kommunalbestyrelsi ulloq unnuarlu paaqqinniffinni kommunalbestyrelsimit pigineqarlutillu ingerlanneqartuni pisortamik atorfinitsitsillunilu soraarsitsisinnaavoq.

Imm. 2. Ulloq unnuarlu paaqqinniffiup ulluinnarni aquneqarnera pisortap akisussaaffigivaa.

Imm. 3. Pisortap ulloq unnuarlu paaqqinniffimmi sulisuusut allat, inatsisit isumaqatigiissutillu atuuttut naapertorlugit atorfinitsittarlugillu soraarsisinnaavai.

Kapitali 4

Meeqqanut ulloq unnuarlu paaqqinniffiit suliffeqarfittut imminnut pigisutut ingerlanneqartut

Akuersisinnaanermut piginnaatitsineq piumasaqaatillu

§ 32. Isumaginninnermut Aqutsisoqarfik meeqqanut ulloq unnuarlu paaqqinniffimmut, ulloq unnuarlu paaqqinniffittut imminut pigisutut ingerlanneqartumut, akuersissummik qinnuteqartoqarnerani, ulloq unnuarlu paaqqinniffiup §§ 33-44 naapertorlugit akuerineqarnissamut piumasaqaatinik naammas-sinninneranik naliliineq tunngavigalugu aalajangiissaaq.

Stk. 2. Isumaginninnermut Aqutsisoqarfik akuersissummik piumasaqaatitalimmik nalunaaruteqarsinnaavoq, tamatumani akuerisaanissamut piumasaqaatinik naammasinninnissamut piffissaliussat aalajangiunneqassallutik., tak. §§ 33-44. Immikkut akuersissut ukiut marluk tikillugit atuuttussanngorlugu ukiumillu ataatsimik sivitsorneqarnissaanut periarfissalerlugu tunniunneqarsinnaavoq.

Imm. 3. Isumaginnermut Aqutsisoqarfik imm. 1 aamma imm. 2 naapertorlugit akuersissuteqarnerminut atatillugu piumasaqaatinik akuer-sissut atuutiinnassappat naammasineqartussanik aalajangersaasinnaavoq. Isumaginninnermut Aqutsisoqarfik piumasaqaatinut aalajangersarneqartunut piffissaliussanik ilanngussisinnaavoq.

Imm. 4. Imm. 1 aamma imm. 2 naapertorlugit akuersineq tunngavilersorneqarsimasoq allakkatigut nalunaarutigineqassaaq, tassa-nilu ulloq unnuarlu paaqqinniffiup sullinniagai kikkuunersut, perorsaariaaseq aammalu qassinik inissaqartitsinersoq nalunaarutigineqassapput.

Imm. 5. Imm. 1 imaluunniit 2 naapertorlugit akuerineqarnissamut, meeqqanut ulloq unnuarlu paaqqinniffiup imminut pigisutut ingerlanneqartup kommunimi sumiiffimmilu ulloq unnuarlu paaqqinniffinnut inissiiffissanut ilaatinneqalernissaa piumasaqaataavoq, tak. Meeqqat tapersorneqarnissaannut Inatsisartut inatsisaanni § 33 imm. 1.

Pitsaassutsimik naliliineq

§ 33. Meeqqanut ulloq unnuarlu paaqqinniffiup imminut pigisup akuerineqarnissaanut, ulloq unnuarlu paaqqinniffiup ataatsimut nalileereernikkut pisariaqartumik pitsaas-suseqarnissaa piumasaqaataavoq.

Imm. 2. Ulloq unnuarlu paaqqinniffiup pitsaassusaa tunngavissat makkua aallaavigalugit nalilerneqassaaq:

1) Meeqqat ilinniarnissamut sulinissamullu periarfissaat.

- 2) Meeqqat nammineersinnaalernissaminnut aamma ilaquuttaminnut attaveqaatiminnullu atassuteqarnissaannut periarfissaat.
- 3) Ulloq unnuarlu paaqqinniffiup sullinniagai, matumani ulloq unnuarlu paaqqinniffiup sullinniakkaminut neqeroorutigisaata imarisai kiisalu meeqqap inuunerminnut sunniuteqaqataanera.
- 4) Ulloq unnuarlu paaqqinniffiup periaasii angusaalu, matumani perorsaanikkut, tarnip pissusaanik ilisimatusarnikkut imaluunniit ilaqtariinnik katsorsaanikkut suleriaatsit.
- 5) Ulloq unnuarlu paaqqinniffimmi aqqissuussaaneq aqutsisullu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi aningaasaqarneq, matumani kukkunersuisunit akuerineqarsimasumik naatsorsuuteqarnerseq.
- 8) Ulloq unnuarlu paaqqinniffimmi inissatigut atugassarititat, matumani sullinniakkat pisariaqartitaannut aamma ulloq unnuarlu paaqqinniffiup periaasaanut naapertuunnersut.

§ 34. Ulloq unnuarlu paaqqinniffiup perorsaanermi periaasii aammalu ulloq unnuarlu paaqqinniffiup sullinniagaanut tunngatillugu perorsaanermi anguniagai Isumaginninnermut Aqutsisoqarfimmit akuerineqassapput.

Imm. 2. Perorsaanermi periaatsit sulinermi atussallugit illersorneqarsinnaasut, periaatsinit nunatsinni ulloq unnuarlu paaqqinniffinni taamaaqataani atugaasunit allaanerugaluartut Isumaginninnermut Aqutsisoqarfimmit akuerineqarsinnaapput.

§ 35. Ulloq unnuarlu paaqqinniffiup aqutsisuata sulisunik atorfinitsitsisarneq soraarsitsisarnerlu akisussaaffigai.

Imm. 2. Isumaginninnermut Aqutsisoqarfik akuersisarnermi oqartussaasutut sulisuusut pillugit paasissutissanik, matumani aamma ilinniagaannut tunngasunik aammalu pineqaatissinneqarsimanermut meeqqanillu pinerliisimannginnermut uppernarsaatinik piniarsinnaapput.

§ 36. Meeqqanut ulloq unnuarlu paaqqinniffimmik suliffeqarfittut imminut pigisutut ingerlanneqartumik akuersissagaanni, aqutsisut sulisuusullu akissarsiatigut atorfinitsitaanermilu atugarisaasa pisortani taamatut atorfillit atugarisaat assigissagaat piumasaqaataavoq.

Imm. 2. Ulloq unnuarlu paaqqinniffiup up-pernarsaatissat akuersissummik qinnuteqaatip nalilersorneqarnissaanut atorneqartussat Isumaginninnermut Aqutsisoqarfimmut saqqummiutissavai.

Aaqqissuussaanagerup akuerineqarnera

§ 37. Ulloq unnuarlu paaqqinniffik imminut pigisoq ingerlatsiviussaaq inatsisit eqqarsaatigalugit namminersortoq aningaasaqarnerlu eqqarsaatigalugu namminersortoq.

Imm. 2. Isumaginninnermut Aqutsisulli imm. 1-imi piumasaqaat avaqqussinnaavaa:

- 1) ulloq unnuarlu paaqqinniffik meeqqanut ulloq unnuarlu paaqqinniffimmut Kalaallit Nunaanniittumut imminut pigisumut allamut, nalunaarut manna naapertorlugu akuerisaasumut ilaappat, aamma
- 2) tamanna suliaq eqqarsaatigalugu tunngavissaqarluarpat.

§ 38. Meeqqanut ulloq unnuarlu paaqqinniffinnut imminut pigisunut aningaasaateqarfittut pilersinneqarsimasunut, aningaasaateqarfiit peqatigiiffiillu ilaat pillugit inatsisip Kalaallit Nunaannut atuutilersinneqarnissaa pillugu peqqussummi aamma aningaasaateqarfiit inuussutissarsiutinik ingerlataqartut pillugit inatsisip atuutilersinneqarnissaa pillugu peqqussummi pineqartunut ilaanngitsunut akuersissummi ulloq unnuarlu paaqqinniffik aningaasaateqarfittut inatsisip malillugit pilersinneqarsimasooq allaqqassaaq.

Imm. 2. Meeqqanut ulloq unnuarlu paaqqinniffinnut aningaasaateqarfittut pilersinneqarsimasunut ileqqoreqqusat Isumaginninnermut Aqutsisoqarfimmit akuerineqassapput.

Imm. 3. Ileqqoreqqusat pilersitsisup aamma aningaasaateqarfiup aningaa-saqarneri immikkoortilluinnarneqarsimappata, aammalu Isumaginninnermut Aqutsisoqarfik aningaasaateqarfiup atorunnaarsinneqarnerani aningaasaataasa qanoq atorneqarnissaat pillugu ileqqoreqqusani maleruagassat aningaasaateqarfiup siunertaanut naapertuuttut naliliippat akuerineqarsinnaapput.

Imm. 4. Aningaasaateqarfiup ileqqoreqqusaani allannguutit imaluunniit aningaasaateqarfimmik atorunnaarsitsineq Isumaginninnermut Aqutsisoqarfimmit akuerineqassapput.

Missingersuutit naatsorsuutillu

§ 39. Meeqqanut ulloq unnuarlu paaqqinniffiit imminut pigisut ulloq unnuarlu paaqqinniffittut suliassaminnik isumaginninnissaminnut ukiunut tulliuttunut naatsorsuusiorfiusunut missingersuusiussapput. Missingersuut kukkumersuuisumit akuerisamit akuerineqassaaq kiisalu kommunalbestyrelsimut Isumaginninnermullu Aqutsisoqarfimmut kingusinnerpaamik 1. oktobarimi tunniunneqassalluni, taamaattorli imm. 2 takuuk.

Imm. 2. Imm. 1 naapertorlugu missingersuutissatut siunnersuut ukiup naatsorsuusiorfiusup siulianut sanilliullugu allannguutinik annertuunik imaqarpat, kommunalbestyrelsimut Isumaginninnermullu Aqutsisoqarfimmut kingusinnerpaamik 1. junimi tunniunneqassaaq. Allannguutit nassuiarneqassapput tunngavilersorneqarlutillu.

Imm. 3. Ulloq unnuarlu paaqqinniffik imminut pigisoq akiliisinnaassuseqarnermut missingersuummik piunnaqartoqartillugu inissiisimasunut, tassa kommunalbestyrelsinut Isumaginninnermullu Aqutsisoqarfimmut nassiussissaaq.

Imm. 4. Ulloq unnuarlu paaqqinniffik imminut pigisoq missingersuummi nassiunneqartumi nikingassutsit annertuut, ulloq unnuarlu paaqqinniffiup ingerlanneranut sunniuteqarsinnaasut pillugit inissiisimasunut, tassa kommunalbestyrelsinut Isumaginninnermullu Aqutsisoqarfimmut erngertumik ilisimatitsissaaq.

§ 40. Ulloq unnuarlu paaqqinniffiup imminut pigisup missingersuutaa ulloq unnuarlu paaqqinniffimmi pitsaassutsip pisariaqartinneqartup qulakkeerneqarnissaanut naapertuutissaaq, aamma aki pitsaassuserlu naammaginartumik ataqatigiissapput kiisalu maleruagassat allat malinneqarlutik.

Imm. 2. Illuutininik aalaakkaasunik attartornermut akiliutininut aningaasartuutit, illuutininik taamaaqataannik attartornermi aningaasartuutinit nalinginnaasunit annerussanngillat.

Imm. 3. Siulersuisuni ilaasortat akissarsiaat suliap suunera suliassallu annertussusiat malillugu nalinginnaasutut isigineqartunit amerlanerussanngillat.

Imm. 4. Ulloq unnuarlu paaqqinniffiup tutsuiginassusaa missingersuutit akuerineqarneranni ilanngunneqarsinnaanngilaq.

Imm. 5. Paaqqinniffik imminut pigisoq, meeqqanut ulloq unnuarlu paaqqinniffimmik ingerlatsinerup saniatigut allanik ingerlataqarpat, ulloq unnuarlu paaqqinniffiup ingerlanneqarneranut saniatigullu ingerlatanut immikkoortitanik missingersuusiortoqassaaq.

Imm. 6. Inaarutaasumik missingersuut tunngavigalugu kommunalbestyrelsit Isumaginninnermullu Naalackersuisoqarfik inissiisimasut akigititat pillugit isumaqatigiissuteqarfigineqarsimappata ulloq unnuarlu paaqqinniffiup imminut pigisup missingersuutaa akuerineqartutut isigineqassaaq.

§ 41. Meeqqanut ulloq unnuarlu paaqqinniffik imminut pigisoq, ukiumoortumik naatsorsuusiortarneq pillugu inatsisip Kalaallit Nunaanni atortuulersinneqarnissaanik peqqussummi immikkoortut aappaanni malittarisassat naapertorlugit, inatsimmi allami allatut aalajangersaasoqarsimanngippat ukiumoortumik naatsorsuusiussaaq. Ulloq unnuarlu paaqqinniffiup oqimaaqatigiissitsinerata inernerata, ilanngaaseereerluni kaaviiartaata imaluunniit sulisorisaasa amerlassusiisa killiliussat ukiumoortumik naatsorsuusiortarneq pillugu inatsisip Kalaallit Nunaanni atortuulersinneqarnissaanik peqqussummi § 4-mi aalajangersarneqarsimasut sinnerpagit, taava ukiumoortumik naatsorsuusiortarneq pillugu inatsisip Kalaallit Nunaanni atortuulersinneqarnissaanik peqqussummi immikkoortut pingajuat naapertorlugu ukiumoortumik naatsorsuusiussaaq.

Imm. 2. Ulloq unnuarlu paaqqinniffiup imminut pigisup imm. 1 naapertorlugu naatsorsuusiani inissiisimasunut, tassa kommunalbestyrelsinut Isumaginninnermullu Naalackersuisoqarfimmut ilisimatitsissutitut nassiutissavaa. Naatsorsuutit kommunalbestyrelsinut inissiisimasunit Isumaginninnermullu Naalackersuisoqarfimmit kingusinnerpaamik ullormi 1. junimi tiguneqareersimassapput.

Imm. 3. Ulloq unnuarlu paaqqinniffiup aningaasaqarnerata paasiuminarluinnartuunissaa pisuni immikkut ittuni pisariaqartutut nalilerneqarpat, kommunalbestyrelsit Isumaginninnermullu Naalackersuisoqarfik inissiisimasut ulloq unnuarlu paaqqinniffiit ataasiakkaat naatsorsuusiornissaanut allanik aamma piumasqaateqarsinnaapput, matumani ulloq unnuarlu paaqqinniffiup ingerlanneqarneranut immaqalu aamma saniatigut ingerlatanut immikkut naatsorsuinissamik piumasqaateqarneq.

§ 42. Meeqqanut ulloq unnuarlu paaqqinniffiit imminut pigisut naatsorsuutaat kukkunerisuisumit akuerisaasumit kukkunerisiorneqassapput.

Imm. 2. Kukkunersiuisoq kukkunersiuiinnerminut atatillugu ulloq unnuarlu paaqqinniffiup ingerlanneqarneranit sinneqartoorutaasimasinnaasut atorneraqarnerannut nassuiaassaaq, aammalu illuartitat immikkullu ittumik aningaasaqarnikkut aalajangiinerit ulloq unnuarlu paaqqinniffiup siunertaata iluaniinnerat qulakkiissallugu.

Paasissutissiisussaatitaaneq

§ 43. § 32 naapertorlugu meeqqanut ulloq unnuarlu paaqqinniffiup imminut pigisup akuersissummik qinnuteqartup suliamut, aaqqissuussaannermut aningaasaqarnermullu tunngatillugu paasissutissat ulloq unnuarlu paaqqinniffimmut tunngasut Isumaginninnermut Aqutsisoqarfiup qinnutigisai qinnuteqaatip nalilersorneqarnissaani atugassat Isumaginninnermut Aqutsisoqarfimmut tunniutissavai.

Imm. 2. Ulloq unnuarlu paaqqinniffiup ingerlataasa allat, ulloq unnuarlu paaqqinniffiup aningaasaataanik nuussinngikkaluarluni ingerlatiinnarnissaannut akissaqarnini uppersarsassagaa Isumaginninnermut Aqutsisoqarfiup ulloq unnuarlu paaqqinniffimmut suliffeqarfittut imminut pigisutut ingerlanneqartumut akuersissummik qinnuteqaammik suliaqarnerminut atatillugu qinnuteqartoq qinnuigisinnaavaa.

§ 44. Akuersinnermut tunngaviusunik annertuumik allannguutit, matumani saniatigut ingerlatanik aallartitsinerit pillugit ulloq unnuarlu paaqqinniffik erngertumik namminerlu Isumaginninnermut Aqutsisoqarfimmut inissiisimasunullu tassa kommunalbestyrelsinut paasissutissiissutigissavai.

Ileqqoreqqusaq

§ 45. Meeqqanut ulloq unnuarlu paaqqinniffiit imminnut pigisut ileqqoreqqusaqassapput, imarissallugit:

- 1) Ulloq unnuarlu paaqqinniffiup aqqa, sumiiffia aamma siunerta.
- 2) Perorsaaniissap siunertaata allaaserineqarnera.
- 3) Ulloq unnuarlu paaqqinniffiup sullitassaasa allaaserineqarnerat.
- 4) Pilersitsinermi nammineq aningaasaatit annertussusaat qanorlu akilerneqarsimanerat.
- 5) Aqutsisut toqqarneqarnerat suliassaasalu allaaserineqarnerat.
- 6) Inummut pingajuusumut tunngatillugu akisussaaneq iliuuseqarsinnaatitaanerlu pillugit maleruagassat.
- 7) Akiitsunut akiliisussaatitaanermut maleruagassaq.
- 8) Missingersuusiortarneq, naatsorsuuserineq kukkunersiuiinnerlu pillugit maleruagassat.
- 9) Ileqqoreqqusat allanngortinneqassatillugit periaasissat.
- 10) Atorunnaarsitsinermi nammineq aningaasaliissutinik atuinissamut maleruagassat.
- 11) Siulersuisut katitigaaneritut maleruagassat.

Imm. 2. Ileqqoreqqusanik allanngortitsinerit Isumaginninnermut Aqutsisoqarfimmit akuerineqassapput.

Akuersissummik atorunnaarsitsineq

§ 46. Ulloq unnuarlu paaqqinniffik akuerisaanissamut piumasaqaatinik naammassinnikkunnaarsimappat Isumaginninnermut Naalakkersuisoqarfik § 32 naapertorlugu akuersissummik atorunnaarsitsinissamik aalajangiisinnaavoq.

Imm. 2. Isumaginninnermut Naalakkersuisoqarfiup imm. 1. naapertorlugu akuersissummik atorunnaarsitsinissamik aalajangiinnginnerani Isumaginninnermut Aqutsisoqarfiup ulloq unnuarlu paaqqinniffik oqaloqatigissavaa kiisalu akuersissummik atorunnaarsitsiniarnermut tunngaviusunik ulloq unnuarlu paaqqinniffiup aaqqiiniarnissaanik periarfissillugu.

Imm. 3. Isumaginninnermut Naalakkersuisoqarfiup imm. 1 naapertorlugu akuersissutip atorunnaarsinneqarnissaa aalajangerpagu, Naalakkersuisoqarfiup atorunnaarsitsinissamut piffissaq naammaginartumik sivissussilik aalajangersassavaa. Pissutsinik atorunnaarsitsinissamik aalajangernermit pissutaasunik naliliineq tunngavigalu piffissaliussaq aalajangersarneqassaaq.

§ 47. Isumaginninnermut Naalakkersuisoqarfiup § 46 apequtaatinnagu akuersissummik erngertumik atorunnaarsitsinnaavoq, matumani ulloq unnuarlu paaqqinniffimmi pillarneqaataasinnaasunik tassanngaannartumik pasitsaassaqarnerup imaluunniit meeqqat isumannaassusiisa peqqissusiisalu tassanngaannartumik ulorianartorsiortinneqarnerisa tamanna pisariaqartilerpagu.

§ 48. Akuersissummik atorunnaarsitsineq pillugu Isumaginninnermut Naalakkersuisoqarfiup kommunalbestyrelsit inissiisimasut erngertumik ilisimatissavai, tak. §§ 46-47.

Imm. 2. Akuersissummik atorunnaarsitsinermit kommunalbestyrelsit meeqqanut ulloq unnuarlu paaqqinniffimmut meeqqamik inissiisimasut inisseeqqinnissamik akisussaaffeqarput. Inisseeqqinnermit inissiinissamut innersuussisarfik suleqatigineqassaaq.

Akuersissuteqarnerup atorunnaartarnera

§ 49. Ulloq unnuarlu paaqqinniffik imminut pigisutut akuerisaasoq siunertamut akuerisaasumut piffissami ataannartumi ukiunik marlunnik sivissussuseqartumi atorneqanngippat § 32 naapertorlugu akuersissut siumut ilisimatitsissutigineqaaqqaarani atorunnaarsinneqassaaq.

Kapitali 5

Aningaasalersugaaneq

§ 50. Ulloq unnuarlu akigititaq, kommunalbestyrelsip inissiisup meeqqanut ulloq unnuarlu paaqqinniffimmut kapitali 2 malillugu Isumaginninnermut Aqutsisoqarfimmit pilersinneqarlunilu ingerlanneqartumut inissiinnerminut akiligassaa, Isumaginninnermut Aqutsisoqarfiup kommunalbestyrelsillu imaluunniit kommunit ataatsimoorussisut aallartitaata

akornanni isumaqatiginninniarnikkut aalajangersarneqassaaq, taamaalilluni ulloq unnuarlu paaqqinniffiup ingerlatsinermut aningaasartuutai akigititamik akiliutinit tamarmiusunit matussuserneqarsinnaassalluni.

Imm. 2. Ulloq unnuarlu akigititaaq, kommunalbestyrelsip inissiisup meeqqanut ulloq unnuarlu paaqqinniffimmut kapitali 4 malillugu ulloq unnuarlu paaqqinniffittut imminut pigisutut ingerlanneqartumut inissiinerminut akiligassaa, ulloq unnuarlu paaqqinniffiit ataasiakkaat aamma kommunalbestyrelsip imaluunniit kattuffiup kommunalbestyrelsit ataasiakkaat toqqagaata akornanni isumaqatiginninniarnikkut aalajangersarneqassaaq. Ulloq unnuarlu paaqqinniffiup ingerlatsinermut aningaasartuutai akigititamik akiliutinit tamarmiusunit matussuserneqarsinnaassapput.

Imm. 3. Ulloq unnuarlu paaqqinniffik meeqqanik kommuninit allanit tiguisanngippat aammalu ulloq unnuarlu paaqqinniffik meeqqanik kommuninit allanit tiguisinnaasoq akuersissummut ilaasimanngippat, Meeqqanut ulloq unnuarlu paaqqinniffiit kommuninit pigineqartut, kapitali 3 malillugu akuerineqartut imm. 1-imi aamma 2-mi akigititanik aalajangersarneqartuni pineqartunut ilaatinneqanngillat. Taamatut pisoqarsimappat akigititat imm. 1-imi aalajangersakkat naapertorlugit aalajangersarneqassapput.

Imm. 4. Ulloq unnuarlu akigititaaq, imm. 1-3 naapertorlugit kommunalbestyrelsip inissiisup meeqqanut ulloq unnuarlu paaqqinniffimmut inissiinerminut akiligassaa, tassaavoq meeqqap ulloq unnuarlu paaqqinniffimmiinneranut atatillugu akiligassat tamarmiusut, matumani ukununga aningaasartuutit:

- 1) sulisut nalinginnaasut,
- 2) nerisaqarneq ineqarnerlu
- 3) sullissisut, matumani tarnip pissusaanik ilisimasallit aamma tarnikkut nappaatinik katsorsaasartut
- 4) Kalaallit Nunaanni avataanilu angalaarnerit angalanerillu,
- 5) sunngiffimmi sammisassaqartitsinerit, aamma
- 6) meeqqamut kaasarfimmiussat atisarsiniutissallu.

§ 51. Meeqqap nappaataata imaluunniit pissusilersortarnerata annertuumik ajorseriarnerani kommunalbestyrelsip inissiisup akuersineratigut ulloq unnuarlu akigititaaq qaffasinnerusoq akilersinneqarsinnaavoq.

Meeraq atugarissaarnerminut, peqqissutsiminut imaluunniit ineriartornerminut ilungersunartumik ajoqusiisinnaanerani aarlerinaateqartumik pissusilersortarpat, imaluunniit taassuma imaluunniit allat inuunerat imaluunniit aalassarinnerat navianartorsiortinneqarpat ulloq unnuarlu akigititaaq qaffasinnerusoq akuerineqarsinnaavoq.

Imm. 2. Imm.1 naapertorlugu ulloq unnuarlu akigititap qaammatit pingasut tikillugit qaffanneqarnera akuerineqarsinnaavoq, tamatuma kingorna ulloq unnuarlu akigititap ukiumut aalajangersimasumik qaffanneqarnissaa qinnuteqaatigineqassalluni. Meeqqat tapersorneqarnissaannut Inatsisartut inatsisaanni § 47 naapertorlugu meeqqamut iliuusissatut pilersaarutip iluarsaaneqarnerani akigititamik aalajangersimasumik qaffasinnerusumik akiliisarnissamut sulitunngavissaqarnerusoq aalajangiisoqassaaq.

Imm. 3. Kommunalbestyrelsip inissiisimasup meeqqanut ulloq unnuarlu paaqqinniffimmut kommunalbestyrelsimit ataatsimit imaluunniit kommunalbestyrelsinit arlalinnit ataatsimoorussamik ingerlanneqartumut paaqqinniffimmulluunniit imminut pigisumut imm. 1 naapertorlugu ulloq unnuarlu akigititamik qaffaanissamik aalajangerneq pillugu allakkatigut Isumaginninnermut Aqutsisoqarfik ilisimatissavaa.

§ 52. Iliuusissatut pilersaarut suliarineqartoq naapertorlugu meeraq inissinneqartoq piffissami ullut 14-it sinnerlugit angajoqqaaminiittassappat imaluunniit allaniittassappat, kommunalbestyrelsip inissiisimasup akigititap nalinginnaasup 85 %-ianut apparsinnaavaa. Akiliisarnerup iluarsineqarnera qaammatip tulliuttup naanerani pisassaaq.

Imm. 2. Meeqqap ulloq unnuarlu paaqqinniffimmi inissinneqartup, feeriarnera, napparsimanera assigisaaluunniit pissutaallutik sapaatit akunnerini marlunnit amerlanerusuni paaqqinniffiup avataaniippat paaqqinniffimmiittutut suli isigineqassaaq, kisianni piffissamut akigititaq aningaasartat nalinginnaasut 85 %-iinut annikillisinneqarsinnaavoq.

Imm. 3. Kommunalbestyrelsi inissiisoq meeqqap efterskolimiinnissaanik imaluunniit allatut atuarfimiinnissaanik aalajangiippat, meeqqap atuarfimiinnerata naammassinissaa tikillugu, ulloq unnuarlu paaqqinniffik meeqqamut piareersimanerminut akiliummik annikillisamik tigusaqartassaaq. Isumaginninnermut Naalakkersuisoqarfik ukiumut ataasiarluni akiliutip annikillisakkap annertussusissaa aalajangertassavaa tamanullu saqqummiullugu.

Imm. 4. Kommuni ulloq unnuarlu akigititamik annikillisamik akiliisarpap, akigititami kaasarfimmussat atisassarsiutissallu ilaatinneqassanngillat.

§ 53. Meeraq ullup unnuarlu ilaannaani meeqqanut ulloq unnuarlu paaqqinniffimmiittarpap annikillisitamik akiliisitsisoqartassaaq, akiliutillu taakku oqartussaasup akiliuteqartartup paaqqinniffiullu akornanni ataasiakkaarlugit isumaqatigiinniutigineqartassapput.

§ 54. Paaqqinniffik meeqqamik najugaqarallartussamik inissiivigineqarpat, najugaqarnerup nalaani ulloq unnuarlu akiliutit nalinginnaasut akiliutigitinneqartassapput.

§ 55. Inuusuttut 18-inik ukiulinniit 23-t ilanngullugit ukiullit Meeqqat tapersorsorneqarnissaannut Inatsisartut inatsisaat § 42 naapertorlugu suliniuteqareermermi malitseqartitsilluni suliniuteqarfigineqartut siusinaartumillu pensionisiaqartut, pensionit tunniunneqartarneri pillugit malittarisassat aalajangersarneqarsimasut tunngavigalugit ineqarnerminnut akiliuteqartinneqartassapput.

§ 56. Meeqqanut ulloq unnuarlu paaqqinniffik kommunalbestyrelsimut immikkut ittumik ikiorsiissuteqartaruni, ulloq unnuarlu paaqqinniffiup kommunalbestyrelsip isumaqatigiissuteqarfigineratigut akiliisissinnaavaa.

Imm. 2. Imm. 1 malillugu akiliisitsiniarnermi immikkut ittumik ikiorsiissutit suunerinik akiinillu allakkatigut isumaqatigiissusiortoqareersimanissaa piumasaqaataavoq.

§ 57. Meeqqat meeqqanut ulloq unnuarlu paaqqinniffimmiinnerinut akiliutit qaammatikkaartumik kingumoortumik akilerneqartassapput.

Kapitali 6

Kaasarfimmiussat atisassarsiutissallu

§ 58. Akigititat aalajangersimasut, Isumaginninnermut Naalakkersuisoqarfimmit ukiut tamaasa aalajangerneqartartut tamanullu saqqummiunneqartartut malillugit kaasarfimmiussat atisarsiutissallu ulloq unnuarlu paaqqinniffinnit §§ 11, 17 aamma 32 naapertorlugu pilersinneqarsimasunit tunniunneqartassapput.

§ 59. Meeqqat tapersersorneqarnissaannut Inatsisartut inatsisissaat § 46 naapertorlugu meeqqamut paarineqartumut iliuusissatut pilersaarummi, imaluunniit meeqqat tapersersorneqarnissaannut Inatsisartut inatsisissaat § 48 naapertorlugu katsorsarneqarnissamik pilersaarummi, allamik allassimasoqangippat ulloq unnuarlu paaqqinniffimmi pisortap meeraq peqatigalugu aalajangissavaa meeqqap aningaasat qanoq amerlatigisut imminut atortassanerai, qanoq akulikitsigisumik tunniunneqartassanersut kiisalu meeqqap aningaasartuutit suut nammineq akilertassanerai. Aningaasalli nammineq atorsinnaasat minnerpaamik qaammammut ataasiarluni tunniunneqartassapput.

Imm. 2. Meeraq perorsaanermik pissuteqartumik piffissap ilaani perorsaanermik siunertaqarneq aallaavigalugu aningaasanik tamakkiisumik tunineqassanngitsoq pisortap nalilerpagu, aningaasat tunniunneqanngitsut meeqqap aqqa atorlugu aningaaserivimmi kontumi pilersinneqarsimasumut ikineqassapput.

Imm. 3. Kaasarfimmiussat atisassarsiutissalluunniit meeqqap nammineq atugassaatut tunniunneqanngitsut meeqqap atisasaanik assigisaannilluunniit pisinermut atorneqassapput. Aningaasat sinnerisinnaasaat meeqqap aqqa atorlugu kontumut pilersinneqarsimasumut ikineqassapput.

Imm. 4. Aningaasat imm. 2-mi 3-milu taaneqartuni kontuniittut ulloq unnuarlu paaqqinniffimmi sulisup meeqqallu ataatsimoorussamik imaluunniit ulloq unnuarlu paaqqinniffimmi sulisut marluk ataatsimoorussamik taamaallaat tigusinnaavaat. Tigusinermut uppersaasat ulloq unnuarlu paaqqinniffiup pisortaanut tunniunneqassaaq paaqqinniffimmilu toqqorneqassalluni.

Kapitali 7

Tikeraarluni angalanerit

§ 60. Kommunalbestyrelsip inissiisimasup Meeqqat tapersersorneqarnissaannut Inatsisartut inatsisaanni § 32 imm. 1 naapertorlugu meeqqap tikeraarluni angalaneranut atatillugu aningaasartuutit kiisalu Meeqqat tapersersorneqarnissaannut Inatsisartut inatsisaanni § 32, imm. 2 naapertorlugu angajoqqaatut oqartussaassusillip qanigisaasulluunniit allap tikeraarluni angalaneranut atatillugu aningaasartuutit tamaasa, matumani ingiaqateqarnermut, nerisaqarnermut aningaasartuutit akilissavai.

§ 61. Meeraq ingiaqateqarani ulloq unnuarlu paaqqinniffimmit feeriarluni angalasinnaangippat, meeqqap angalanerani ataatsimik ingiaqateqartinneqassaaq.

Imm. 2. Pisuni aalajangersimasuni tamanna pisariaqartoq nalililerneqarpat, ingiaqataasussat ataatsimit amerlanerusut akuerineqarsinnaapput.

Imm. 3. Meeqqap feeriarluni angalanerani ingiaqatissaa nalinginnaasumik tassaassaaq meeqqap ikorfartortigalugulu immikkut attaveqarfigisartagaa imaluunniit allat meeqqap ulluinnarni attavigisartagai.

Kapitali 8

Atortuulerfia

§ 62. Nalunaarut manna ullormi xx. xxx 2018-imi atuutilissaaq, atuutilerneranullu atatillugu Meeqqanut ulloq unnuarlu paaqqinniffinnik pilersitsineq ingerlatsinerlu pillugit nalunaarut nr. 19, 24. novembari 2017-imeersoq atorunnaarsinneqassaaq.

Namminersorlutik Oqartussat, ulloq xx.xx. 2018

Anthon Frederiksen

/

Julie Præst Wilche